




Համազգային Ապագայի մը Ուղիով

մե՛կ երկրագունդ, մե՛կ ազգ

Սփիւռքեան զօրաշարժի ծրագրեր



Ինչո՞ւ

- ▶ Ժողովրդաքանակի իրավիճակի գոյութենական ծանր տագնապ որուն լուծման համար պէտք է անմիջապէս աշխատիլ:
- ▶ Հիմնական փոքրաթիւ ծրագրերով սահմանագծուած, որ միասին կը կազմեն իրար սնուցող ազգային ուժականութեան սկիզբը:
- ▶ Միջակաժամկէտ եւ երկարաժամկէտ ծրագրեր որոնք մնայուն կերպով կ'ապահովեն երկակողմանի կապերու սերտացումը (մարդկային կարողութիւններ, տեղեկութիւն, ծրագրերու իրագործում, համագգային ուղղութեան որոշումներ եւլն.):
- ▶ Բոլոր ծրագրերը պէտք է սահմանուին իրենց նպատակներով, տարածքի եւ ժամանակի մէջ հետեւողականութեամբ, անհրաժեշտ ծրագրամիջոցներով եւ աշխատելակերպով:

Ի՞նչ ՉԷ այս նախաձեռնությունը

1. ՀՀ նոր վարչակարգի եւ ադիտային իրավիճակէ դուրս գալու համընդհանուր ծրագիր: Ատոր մասին արդէն կան բազմաթիւ առաջարկներ եւ նոր կառավարութեան օրակարգը այդ պէտք է ըլլայ: **Սակայն այս նախաձեռնությունը պէտք է անպայմանօրէն որդեգրուի ՀՀ նոր ազգակէդրոն կառավարութեան կողմէ:**
2. Որոշ ծրագիր մը ֆինանսաւորելու դրամահաւարի ճիգ մը: Գումարներ անհրաժեշտ պիտի ըլլան, սակայն **աւելի կարեւոր է հասկնալ եւ համաձայնութիւն գոյացնել միասնական տեսլականի մը հարցով:**
3. Կարճաժամկէտ ծրագիր մը (2 – 5 տարուայ): Արդիւնքները հաւանաբար տեսնենք 10+ կամ նոյնիսկ 15+ տարի յետոյ, սակայն այս աշխատանքը պէտք է արդէն իսկ սկսիլ հիմա:
4. Սփիւռքեան գոյութիւն ունեցող կառոյցները փոխարինող: Չունինք ատոր ժամանակի շրայութիւնը, եւ աւելի՛ն, բոլորն ալ անխտիր հրաւիրուած են ազգակերտման նոր աշխատանքի տեսիլքին մասնակցելու, թէ՛ անոր կազմաւորման, թէ՛ անոր ենթածրագրերու սահմանման եւ մանաւանդ՝ անոնց իրագործման:



Ի՞նչ է այս նախաձեռնությունը

1. Կը կեդրոնանայ ՀՀ բնակչության թիվի տագնապի լուծման վրայ:
2. Նոյնպես կը թիրախաւորէ այդ տագնապի թէ՛ քանակական եւ թէ՛ որակական հարցերը:
3. Երկարաշունչ է իր աշխատանքային գործադրումով (10+ տարիներ):
4. Հիմնական ծրագրային սահմանում մը կատարէ բարձրամակարդակ նպատակներ յստակացնելով:
5. Ծրագիրներու եւ ենթածրագիրներու կապակցութիւններն ու կախեալութիւնները կը յայտնաբերէ եւ կը բացատրէ:
6. Ունի բաւականաչափ մանրամասնութիւններ ստեղծելու համար իրագործելի եւ հետեւելի ծրագրային քայլեր:
7. Որովհետեւ տագնապը գոյութենական է՝ ծրագրին որակական մակարդակը շատ բարձրադաս է (ձախողութիւնը օրհասական):




Հայրենադարձութիւն

Ծրագիր – Նախագիծ թիւ 1

Ինչո՞ւ հայրենադարձություն ճգնաժամային այս պահուն

- Ընտանիք կազմելու ամենաբեղուն տարիքի երիտասարդներու մեծաքանակ կորուստ (գլխավորաբար առողջ տղամարդիկ):
- Աղիտալի պարտությունն էտք ակնկալուած մեծաքանակ հայրենալքում յարաբերաբար կարճ ժամանակի մէջ:
- Տնտեսական տագնապ:
- Վերանորոգուող զինեալ առճակատումի հաւանականութիւն եւ զինճառայողներու զոհուելու վախ:
- Քաղաքացիներու ֆիզիքական անապահովութիւն (մանաւանդ սահմանամերձ շրջաններու):
- Շարունակուող լայնատարած եւ չլուծուած կաշառակերութեան եւ փտախտի գրեթէ ամենօրեայ փաստացի իրողութիւններ:
- Իր պատերազմական յաղթանակով յղփացած եւ աւելի նախայարձակ դարձած դրացիին հետ պաշտպանական տեսակետն սահմանագծային շատ աւելի ֆիզիքապէս երկար եւ դժուար իրավիճակ:
- Նոր պետական վարչակարգի համար՝ նոր մարդկային կարելիութիւններու անհրաժեշտութիւն (ամէն մասնագիտութեան լաւագոյնին կարիքը):



Ի՞նչ են հայրենադարձության ծրագրին առանցքները կամ ոլորտները

- Մեծածաւալ, մնայուն եւ մշտաճոս հայրենադարձութիւն բոլոր Սփիւռքներէն:
- ՀՀ պետական մեծածաւալ եւ շատ կեդրոնացած ընտանիքի քաղաքականութիւն:
- Գլխաւոր ծրագիրը սնուցող ենթածրագրերու կառոյցներ որոնք պիտի սատարեն վերոյիշեալ երկու առանցքներու հաստատման ու իրագործման:


Անհրաժեշտ նախապատրաստական ծրագրին մանրամասնութիւնները պէտք է լրացուին 3 – 4 ամիսներու ընթացքին կատարուելիք համազգային խորհրդակցութիւններով, մասնագէտներու աշխատախմբակներով, ուղեղամրրկային ժողովներով եւլն: Նպատակը գործածելի եւ աշխատելի տեղեկագիր պատրաստել է որուն հիման վրայ կրնան գործի լծուիլ թէ՛ ՀՀ եւ թէ՛ Սփիւռքներու բոլոր կառոյցներն ու անհատները:

Հայրենադարձություն - Ո՞վ

1. Յատկապես թիրախաւորել ընտանիք կազմողները (100,000 հայրենադարձ 5 տարուան մէջ).
 - Տղամարդիկ 25 – 40 տարեկան
 - Կանայք 20 – 35 տարեկան
 - Զուակ ունեցողներու տարիքի ամուսնացած զոյգեր կամ փոքր երեխաներ ունեցող ընտանիքներ:
2. Մասնագիտական թիրախաւորում (10,000 հայրենադարձ 5 տարուան մէջ)
 - STEM մասնագէտներ: Գիտութիւն, ճարտարարուեստ, ճարտարագիտութիւն եւ թուաբանագիտութիւն:
 - Յատուկ ենթամասնագիտութիւններ, օր. զինուորական ճարտարարուեստ, կենսաբժշկական ճարտարագիտութիւն եւլն.
 - Գիւղատնտեսական մասնագէտներ
 - Կրթական մասնագէտներ (դասախօսներ, ուսուցիչներ, կրթական ճարտարագէտներ, դասընթացքներ զարգացնողներ)
 - Պետական համակարգի մասնագէտներ (վարչահամակարգ, ուղեգիծ, վարքագծի կառավարողներ, մարզային զարգացումի ծրագրագէտներ)
 - Հետազօտական կառոյցներու հիմնադիրներ
 - Յատուկ աշխատադաշտերու միջազգային կառոյցներու գործակցութեան եւ ցանցային մասնագէտներ (ֆինանս, ճարտարարուեստ, ակադեմական հետազօտութիւն, ճարտարարուեստական հետազօտութիւն).

Հայրենադարձություն – Ի՞նչպես

- ▶ Մնայուն ֆինանսավորում մասնագիտական քարոզչական աշխատանք բոլոր սփիւռքեան կառույցներու մէջ (եկեղեցիներ, կեդրոններ, դպրոցներ, երիտասարդական եւ ուսանողական միութիւններ, կուսակցութիւններ, արդի եւ դասական լրատուական միջոցներ եւն.):
- ▶ Բոլոր հայրենադարձները անխտիր նկատել որպէս հերոսներ:
- ▶ Մնայուն կերպով քաջալերել եւ լուսավորել անոնց կատարած քայլերը եւ տօնել իւրաքանչիւր յաջողութիւն:
- ▶ Մեր դպրոցներուն մէջ զարգացնել ուսուցողական ծրագիր՝ տօնելու եւ փառաբանելու համար հայրենադարձութիւնն ու անոր բոլոր սատարողները:
- ▶ Սկսիլ հայրենադարձութեան կոչարշավի սակայն իւրայատուկ լոզունգով մը օրինակ - *«մեր լուսագոյնները հայրենիքին»*:
- ▶ Ստեղծել հայրենադարձութեան մշակոյթ մը, որուն իրականացման պիտի ձգտին բոլոր մանուկները փոքր տարիքէն: Հայրենադարձութիւնը դարձնելով սերնդային աշխատանքի:



ՀՀ ընտանիքի վերաբերող քաղաքական ուղեգիծ (առաջարկներ)

- ▶ 10 տարի եկամուտի տուրքի գերծ պահել հայրենադարձ ընտանիքները:
- ▶ Չրի համալսարանական ուսում բոլոր 2+ երեխաներ ունեցող ընտանիքի զաւակներուն (թէ՛ հայրենադարձներու եւ թէ՛ ՀՀ բնիկներու):
- ▶ Չրի տան տրամադրելիութիւն բոլոր 3+ երեխաներ ունեցող ընտանիքներուն (թէ՛ հայրենադարձներու եւ թէ՛ ՀՀ բնիկներու):

Տնակառուցային ենթաձրագիրներ


3 տեսակի ձրի (կամ բարձրորեն նպաստաւորուած) տնահամալիրներ -

1. Գիւղերն ու գիւղատնտեսական մարզերը պիտի ունենան համայնքային տնակառոյցներ որոնք ուղղակիօրէն կապուած են համայնքային երկրագործական հողամասերու: Ծախսերն ու եկամուտները կը բաժնուին ինքնավար համայնքին անդամներուն միջեւ: Համայնքը նոյնպէս կը կազմակերպուի ինքնապաշտպանութեան եւ զօրակոչի պատասխանատուութեան հարցով (kibbutzim model):
2. «Փակ քաղաք»ի մասնագիտական հրապուրիչ համալիրներ որոնք պիտի շինուին արուարձաններու մէջ եւ մօտիկ գիտահետազօտական եւ ճարտարարուեստական կէդրոններուն, գործածութիւն տրամադրելով բոլոր արդիական հանգստաւէտ բնակամիջոցներու: Համալիրը պէտք է ունենայ դպրոց, մանկամտուր, շուկայ, մարզակէդրոն, բժշկակէդրոն եւ ուրիշ լրացուցիչ բաժիններ (նման ռուսական տիեզերանաւորդներու բնակարանային համալիրներուն):
3. Բազմասերունդային տուններու համալիրներ որոնք ունին միասնական գործածելի ընդհանուր բաժիններ (համայնքակէդրոն, լողաւազան եւ մարզարան, խաղավայր, պարտէզ): Բազմասերունդային տնահամալիրը կ'արտօնէ երիտասարդ հայրենադարձներուն, համոզել իրենց ծնողները որպէսզի միանան իրենց եւ ապրին իրենց նոր սերունդներու կողքին եւ մօտիկութեամբ (օրինակ ունենալով՝ հին հայկական բակերով տունները, բայց արդիականացած իրողութեամբ):



ՀՀ միաձուլող ընտանիքի քաղաքականություն

- ▶ Ստեղծել համաշխարհային մակարդակի միջազգային սերմանուիրատուական ցանց:
- ▶ Այն առանձին կիները որ կը փափաքին մայրանալ 100% պետական նպաստով արուեստական բեղմնավորումի օժանդակություն:
- ▶ Նոյն տնային եւ ուսման նպաստի օժանդակությունը տրամադրել միաձուլող ընտանիքներու:



Ժողովրդաքանակի հրամայականի տնտեսական ոլորտը (ենթաձրագրեր)

1. Տուներու եւ առաջարկուած ենթահամալիրներու ֆինանսավարում եւ կառուցում:
2. Պետական պիտճէի տուրքէ զերծ ժամանակաշրջանի ֆինանսավարում:
3. Հայրենադարձութեան ծրագրի կառավարման վարչամեքենայի ֆինանսավարում թէ՛ Սփիւոքներու եւ թէ՛ ՀՀ մէջ:
4. Աշխատանքային կեդրոններու եւ շրջապատի կառուցում:
5. Հայրենադարձներու երեխաներու կրթական շինութիւններու եւ համակարգի կառուցում:
6. Այլազան առնչուող ենթաձրագրեր եւ ծախսեր:

Բարձր մակարդակի արժեւորումը մօտաւորապէս 3 – 3.5 միլիարդ \$, 5 տարուան վրայ: Որ համազօր է 700 \$ միլիոնի տարեկան, եւ կը ներկայացնէ ՀՀ համար տարեկան տնտեսութեան 5% աճ մը: